

دائرة مخصوصه

در سعادتده باب عالی جوار ننده

محل اداره :

مشرط القیم

اخطار :

مسلكمزه موافق آثار جدیده مع المنو به

قبول او انور

درج ایندهین آثار اعاده او نیاز

دیر، فلسفه، علوم، حقوق، ادبیات و سیاسات و باطالع کرب سیاسی و کرب اجتماعی و مدنی احوال و مشوره اسلامیه و بحث ایمر و هفته ده بر نشر انور.

آبونه بدلی

صاحب و مؤسسلری :

در سعادتده نسخہ سی ۵۰ پاره در

ابوالعلا زین العابدین - ح . اشرف ادیب

سنه لکی التي آیلنی

ممالک عثمانیه ایچون	۸۰	۴۰	غروش
روسیه	»	۶۰۵	۳۰۵ روبله
سائر ممالک اجنبیه	»	۱۷	۹ فرانق

تاریخ تأسیسی

۱۰ تموز ۳۲۴

قیرلہ دن مقوا بودو ایله کوندریلیرسه سنوی
۲۰ غروش فضله آلنیر

عدد : ۷۴

۲۲ محرم ۳۲۸ پنجشنبه ۲۱ کانون ثانی ۳۲۵

اوچنچی جلد

وامارتلر ایله محاربه ایده ایده نهایت بخارایه تقرب ایتیه باشلادقلری
اکلاشلمش اولدیغندن اکاکوره احضارات حربیهده بولونمشلردی .
مابعدی وار نور علی زاده

غیاث حسنی

مطبوعات جدیدہ :

دین اسلام و علوم و فنون

عالم مدنیته ، جهان علم و معرفته ابدی استادلر یتشدیرن مدارس
قدیمه اسلامیهده اصول تدریس دیکشوب ده مداوملرینک الفاظ
منازعاتی ایچنده بونالغه باشلادقلری زماندن اعتباراً علمای اسلامک
معلومات و مکتسباتنده — عمومیت اعتباریله — برتبدل ، برائر
المحطات رونمون اولدی . اولجه دین هپ علم ایله مترافق کیدرکن
صوکرالری بواکی رفق صمیمی یکدیگرندن جدا دوشدی . مقدا
دین عامه ، علم دینه استناد ایتدیریلرک علمای اسلام بتون جهان
معرفته میدان اوقیورکن برصره کلدی که دشمنلرک سنک اعتراضلری
التده ازلدیلهر قالدیلر . هرشیئی ، بتون حقایق دینییه یالکمز صرف
ونحو ، یالکمز قدیم برمنطقله اثبات ومدافعه ممکندر ، ظن ایتدیلر .
حالبوکه دیگر طرفدن علوم و فنون کوندن کونه بیوک برنجلیاته مظهر
اولیوردی ؛ علوم ریاضیه وفلکیه ، علوم اجتماعیه وفلسفیه ، علوم
طبیعیه ، طبابت ، تشریح ... ده یکی یکی کشفیات وترقیات وجوده
کلیوردی . عالم علم وفنده کی بوکشفیات بدیعہ نما ، بوترقیات حیرتفزا
ادیان علیننده مدھش جریانلر حصوله بادی اولدی ؛ چونکه او آفاقدکی
معتقدات دینییه علم وفنله قابل توفیق وتالیف دکلدی . بونک اوزرینه
بیوک بیوک مذهبلر ، مسلککظهوره کلدی ؛ باطل اولقله برابر
منتسبلری چوغالیدی ؛ چونکه ادیان سائرہ علماسی اونلره مدافعهدن
عاجز قالدیلر ، دینلرینی اوعلوم وفنونه توفیق ایدمه مدیلر ، برچوغی ده
اوکروهه التحاق ایتدی . ایشته بوصرده علمای اسلام اورتیه
چیقهرق بتون حقایق مبجله اسلامیه یی علم وفن نقطه نظرندن
تحلیل ونشریح ایدرک هرلسانده اثرلر نشر ایدمک واسلامک عقل
وحکمت ، علم وفن اوزرینه مستند وبتون انسانلر ایچون اتباعی
الزم بر دین صحیح عمومی اولدیغنی بتون جهان طایفه جقدی . ترقیات
وتجددات مشاهدہ اولوندقچه حقایق اسلامیه نک ازدیاد انکشافی
اورتیه قویه جقدی . فقط واحیفا که اوعلما نامنی طاشیان ذوات
تمامیله عالمدن بی خبر ، تمامیله علم وفندن محروم ایدیلر ؛ نه اوکشفیاتی
تعقیب ایدرلر ، نه ده اوجریانلره ، او اعتراضلره عقل ایردیرلردی ؛
اونلر دائماً قرون وسطی مسالک فلسفیه سنک اعتراضلرینی اوقورلر ،
وشیمدی نام و نشانلری قالمایان کروہ فلاسفیه ، فرق ضالیه اوزمان
ویرلین جوابلری تکرار ایتمکله وظیفه لرینی اکمال ایتمش اعتقادنده
چکنیرلردی . مسلمانلری بویله عاطل ، منزوی ، یالکمز کرییه
طوغرو حرکت ایدر برکتله ضعف ومسکنت حالتده کورن دشمنلر
« اسلامیت ، مانع رقی در » دیه اطرافه زهرلر صاحبه یه باشلادیلر .

بومرض ضلالتک دائرہ سرائتی توسع ایدمه تامملکتتمزه ، مکتبلر مزه
قدر کلدی ؛ اوصاف قلبی ؛ اوحقه قارشی دائماً کامل برایمان ایله
منور تمیز یورکلی مسلمان اولادلرینی ده بووبای معنوی یه مصاب ایلدی .
دیگر طرفدن اخلاقسزلاق ده بو احواله انضمام ایدرک نهایت بین الاسلام
اویله بر بطن یتشدی که بوکون دینک خارجی دشمنلرندن اول آنلرک
هدایتنه چالشحق مجبوریتنده قالدی . . بونک مسئولیت معنوییه سی
کیمه عائدر ؟ .. تمامیله همتسزک ایدن ، ایفای وظیفه یه مسارعت
کوسترمین علمای اسلامه ! . . انلر الفاظ مناقشه لری ایچنده
بوغولمیه جقلردی ، علوم وفنونک بتون کشفیات وترقیاتی تعقیب
ایدرک جهانک هر نه طرفنده اولورسه اولسون هر برحققی خطوه
ترقیاتک اسلامیه تقرب اولدیغنی زمانک ، افکارک ایجاب ایتدیکی
دلائل ایله اثبات ایدمک کلدی . اسلامیتک مانع ترقی دکل ، بتون
نوع بشر ایچون خادم تعالی اولدیغنی بتون ارباب فنه آنلرک نقطه
نظرلرینه کوره اثبات ایدرک کندی نظریه لری ، کندی سوزلریله
کندیلرینی الزام ایدمک کلدی . فقط نه چاره که اونلرده اکثریتله
حقیقتدن جدا دوشمشلردی ! . . شیمدی یه قدر بومقصد عالی یه دائر
پک چوق اثرلر یازلق لازم کلیرکن صدره شفا بخش اوله جق یالکمز
« رساله حمیدیه ترجمه سی » کی برقاچ اثر اورتیه قونه بیلیمشدر .
علوم وفنون حاضرده اک زیاده حائر نصاب شهرت طانیلان
ذوات التزام سکوتله همتسز لککرینی اظهار ایدوب طور مشلردر .
ایشته اولادلر مز بومرض معهود ایله مصاب ، پک آز اولان متفکرینمز
بو احوال تالم نمون ایله کریان ایکن بوکون بردوقتور ، حمیت اسلامیه سی
ایله شهر تشعار بر حکیم حاذق ، (میللسلی اسماعیل حق) جیقوب :

دین اسلام و علوم و فنون

عنوانیله اسلامک احکام جلیله مهمه سنی علم وفن تطبیق ایدرک
برائر نشر ایدیور . محزون کوکلره یکیدن نشئه ، کریان قلبلره
امید ویریور ، مظلم وجدانلره نور سرپیور . دینی سونلر اسلامیه
بویله خدمتک یولنی بیاهرک ابراز مساعی ایدرلر ، حق سونلر قوللغنی
بویله ایفا ایدرلر . بوده علمای کرام ایچون شایان امتثال بر حرکت ،
وبرانتباددر . دینسزک جریانلرینک اوکته طور مق ایسته یین رؤسای
دین ، یکرمنجی عصرک سلاحی اولان علم وفن اسلحه سی ایله مجهز
اوله رق میدان مبارزه یه چیقمالی در . انجق اوصورتده — اسکیدن
اولدیغنی کی — موفقیت بزده قالیر .
بوائر مهمک شیمدیلمک مندرجانی یازمقله اکثفا ایدیورز ،
صره سی کلنجه بعض پارچه لرینی ده نقل ایدمک کز . مؤلف محترمی
تبریک ایدر ، و دیگر ارباب فنکده بوائر خیره تبعیت ایتلرینی تمی
ایدرز .

« مطبعه خیریه » و شرکاسی مدیر مسئول : اشرف الایب